

k privilegios la malvirtulojn Z ? ~ antaŭ kelkaj jaroj la japana popolo devis kaŝi sian vizaĝon, kiam la imperiestro pasis ; ilia kalkulo kreskis en la daŭro de tri tagoj ~ kelkaj centoj da frankoj ; la kolonoj havis 4 ~ 5 etaĝojn da alto B ; mi ekstermos de la homo ~ la bruto Z ; de majesta ~ ridinda estas nur unu paŝo Z ; mi sidas en laboroj ~ super la oreloj Z (Kp AL). RIM. : Kelkfoje oni povas uzi preskaŭ indiferente la prep. **ĝis** aŭ **antaŭ** : li ne skribis ~ hodiaŭ, aŭ : li ne skribis antaŭ hodiaŭ. Tamen **antaŭ** estas ĝenerale preferinda, ĉar pli preciza, dum **ĝis** estas ofte dubenca : li certe alvenos ~ (prefere : antaŭ) dimanĉo ; la tasko nepre devas esti finita ~ (prefere : antaŭ) la komenco de la monato ; mi dubas, ĉu la aranĝoj estos pretaj ~ (prefere : antaŭ) la Kongreso (Kp ANTAŬ 3).

II^e Konj. dependiga, signifanta « ĝis la momento, en kiu » : longe ĉerpas la kruĉo, ~ fine ĝi rompiĝas Z ; mi ne kredis al la diroj ~ mi venis Z ; mi atendas, ~ venos tempo pli oportuna ; mi ne trankviliĝos tiel longe ~ la demando estos solvita Z ; ni batalos por nia ideo, tiel longe ~ ĝi pli aŭ malpli frue estos plene efektiviĝata ; oni ne devas atendi ~ la domo renversiĝas Z. RIM. : **Ĝis** kiam, kelkfoje uzata anstataŭ la simpla konj. **ĝis**, estas senutila pleonazmo. En la citita ekzemplo de Z la vorto **ĝis** estas prepozicio, ne konjunkcio, k **kiam** estas adverbo.

III^e Prefikso uzata kun la senco de la prepozicio : ~iri (Kp ATINGI) ; ~nuna (de la plej malnova ~ la nuna ; antaŭa) : fine mortis nia plej kara samideano k amiko, kiu estis la animo de niaj ~nunaj kongresoj Z ; ~vivi (atingi vivante) : la plimulto de ni ne ~vivos tiun momenton Z.

* **Ĝoĵi** (ntr). Senti vivan plezuron en la animo : mi ~as vin vidi ; mi ~as, ke vi restas ; ~i pri ies sukceso B, malfeliĉo ; naskinto de saĝulo ~os pro li Z. Kp ĜVI. ~o. Viva plezuro de la animo : havi ~on de io, pro io, pri io ; kaŭzi ~on al iu ; difekti, fuŝi ies ~on ; amiko en ~o k ploro Z ; vivi en ~o k plezuroj (Vd GAJVIVI) ; saĝa filo estas ~o (~igaĵo. Kp ESPERO, GLORO) por sia patro ; por malsaĝulo estas ~o jari malbonon Z. ~a.

Sentanta aŭ montranta ~on : ~a homo, koro, vizaĝo, rideto, krio, lumo, festo ; ~aj petoluloj. Kp GAJA, KONTENTA. ~igi. Igi ~a : laboro lacigas, sed akiro ~igas Z ; saĝa filo ~igas la patron Z ; suna vetero ~igas la koron ; ~iga sciigo. **Mal~i** (ntr). Senti vivan malplezuron en la animo, afliktiĝi : mal~i pro la morto de amiko B ; koro scias sian propran mal~on, k en ĝia mal~o ne partoprenas fremdulo Z ; nek ~o nek mal~o daŭras eterne Z ; akiri la mal~an (ne envidindan) gloron de subfosanto Z ; envidemulo mal~igas sian domon Z (Kp FUNEBRI, MALESPERI, MALLUMA, NUBA).

* **Ĝui** (tr). 1 Senti egan plezuron, precipe sentuman, pro la posedo de io : ~i belan spektaklon, naturon, delikatan manĝon, freŝan aeron B, ĉeston de amiko, belan promenadon ; ~i la vivon Z, ~i volupton Z ; ŝiaj karesoj ~igas vin en ĉiu tempo Z ; estos al mi ~e lin revidi Z ; kiu venas plej frue, sidas plej ~e Z (komforte) ; mi ~as konstatante tion. Kp ĜOĴI, FRANDI. 2 Posedi aferon, de kiu oni havas utilon aŭ plezuron : ~i profiton, gastigon, superecon, rajton, liberecon, konfidon de iu ; ~i grandan estimon en la sciencaj sferoj ; ~i sorton B, sukceson, prosperon, muzikon, sanon, ripozon, trankvilon, afablan gastemon, interparoladon, diversajn favorojn, rabaton, la samajn laborkondiĉojn, altan salajron ; tiuj kantoj ~as la amon de la popolo. Kp PROFITI, SPERTI, UZI. ~(ad)o. 1 Ekstrema plezuro pro la posedo de io : vivi en ĝoĵo, ~o k bruo ; la domo estis ~o por la okuloj Z ; aŭskulti kun ~o Z ; flugis for la ĝoĵo de l' juneco, la ~ado de l' unuaj jaroj Z. Kp ĈARMO, RAVIĈO, VOLUPTO. 2 Posedo de io, de kio oni havas utilon aŭ plezuron : retrovi la ~adon de la libereco. ~amo. Inklino al volupto.

* **Ĝusta**. 1 Severe konforma al la vero aŭ regulo : ~a sentenco, ago B, esprimo B ; kiu estas verama, tiu diras tion, kio estas ~a Z ; ~a pesilo, horloĝo, vorto, voĉo Z, kalkulo, respondo ; mal~a lingvistika metodo. 2 Severe konforma al sia celo : multe da fianĉoj, sed la ~a ne venas Z ; vort' en ~a momento faras pli ol argento Z ; li estas la ~a homo por tio ; ĉiuj konfesas, ke la esenco de nia lingvo estas ~a ; ~alfarita vesto ; ~eco de pafo ; spriit' en